



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

103

Հրատարակութիւն
«Արձուի»

ՀԱՅԱՍՏԱՆԻ ԲՈՑԱՆԻԿԱԿԱՆ
ՍՊԱՐԱՆԻ ԳՐԱԴԱՐԱՆ

8
Ր-75

ԲԱԳՈՒ
ՏՊԱՐԱՆ «ԱՐՈՐ»
1904

1083

ՀՐԱՏԱՐԱԿՈՒԹԻՒՆ „ԱՐԾՈՒԻ“

8
10-75
պ.

№ 1. 378

ԹՈՄԱՍ ԲՅԱՐԻՍ

(ՃԵԳՐԻՏ ԱՆՅՔ)



(
1001
4714
)

ԹԱՐԳՄԱՆՈՒԹԻՒՆ



ԲԱԳՈՒ

ՏԳՍՐԱՆ „ԱՐԾՈՒ“

1904

2003

2011

30899-42

7 21

U424809 U55009

Дозволено Цензурою С.-Петербургъ, 9-го Ноября 1904 г.

U409409 U09409

8

14095-58

ԹՈՍԱՍ ԲՕՅԱՐԻՍ



եղնից մօտ 500 տարի
առաջ, երբ տաճիկները
յունաց (բերդէնների)
կայսրութեան մեծ մա-
սին տիրել էին և սպառ-
նում էին Ստամբուլն էլ
տիրել, յունական Արքիպեղագոս
կոչուած մանր կղզիներից մէկի
վրայ յետագայ անցքը սպտահեց:

Մի յոյն քահանայ մասնատուփը ձեռքին,
հանգստեան աղօթքներ կարդալով անցնում

էր մի փոքրիկ քաղաքի աղքատ փոլոցի միջով: Անցնող դարձողը բարեպաշտութեամբ գտակը հանում, մօտենում էր նրան՝ աջը համբուրելու:

Քահանան կանգ առաւ մի գծուծ տան առջև. դուռը բացուեց, նա ներս մտաւ. ներս մտան և մի քանի աստուածասէր մարդիկ: Նրանց ներս մտած սենեակը փոքրիկ էր, միջի կահ կարասիքը հին և մաշուած, որ պարզ ցոյց էր տալիս բնակողների աղքատութիւնը: Հին տախտի վրայ պարկած էր մի հիւանդ կին: Նրա նիհար և կապտած երեսի վրայ յայտնի երևում էր մահուան տապնապը. հիւանդը մեռնելու մօտ էր:

Երբ քահանան մօտեցաւ հիւանդին նրա վրայ վերջին ձէսը կատարելու, կինը իր ծանրացած արտեանունքները բարցրացրեց, ճիգ արեց անկողնի մէջ նստելու, ձեռքը մեկնեց դէպի տան մի անկիւնը և նշանացի կանչեց իր զաւակներին, որոնք լացակրկնած մի անկիւնում կանգնած էին և խեղճ-խեղճ նայում էին իրանց հիւանդ մօրը: Նրանցից մինը տասնևհինգ տարեկան մի պատանի էր, միւսը երկու տարով փոքր մի աղջիկ: Տղան ու աղջիկը շտապով վազեցին մօր անկողնի մօտ,

աղիտղարմ լացով շոքեցին հիւանդի առաջ և աչպէս մնացին, մինչև քահանան իր տխուր արարողութիւնը վերջացրեց: Երբ որ քահանան հիւանդին խոստովանեցրեց, հայտրդեց և վերջին «Հայր մեր» ասաց, սենեակից դուրս գնաց: Քահանայի ետեից լուռ ու մունջ դուրս գնացին և այս տխուր տեսարանի միւս հանգիստտեսները: Մնացին սենեակում միայն մայրը և իր երկու զաւակները:

Պատանու վրայ նայողը կասէր, որ տասնըհինգ տարեկանից շատ աւել է: Նրա լայն և գեղեցիկ ճակատը, ծածկուած խառնիխուռն ընկած երկայն ու թուխ մազերով, արտասուներով լի ժիր ու սուր աչքերը, որ կրակի պէս փայլում էին և կարծես կայծեր էին արձակում. մի խօսքով պատանու ամբողջ արտաքին կերպարանքը ցոյց էր տալիս նրա խելքը, սրտի բաջութիւնը և անվահերութիւնը: Պատանու անունը Թոմաս Բօցարիս էր, իսկ նորա քոյրը Հեղինէ էր կոչւում: Հեղինէն իր գեղեցկութեամբ աննման էր. նրա երեսը ցոյց էր տալիս սրտի հրեշտակային անմեղութիւնը, իսկ թուխ մեծ և գեղեցիկ աչքերի մէջ փայլում էր նրա հեզութիւնը և խելքը: Հեղինէի ամեն մի միտքն ու զգացմունքը պարզ երևում

էին նրա շարժուն կերպարանքի վրայ: Ինչ որ ուրիշ մարդիկ հասկացնում են լեզուով, Հեղինէն հասկացնում էր իր աչքերով և զգայուն երեսով: Այդպէս էլ պիտի լինէր, որովհետև Հեղինէն ի ծնէ մունջ էր. երևոյի ու աչքերի զանազան արտայայտութիւններն էին խեղճ աղջկայ միակ լեզուն:

— Բօցարիս, ասաց թոյլ ձայնով հիւանդը, քո խնամքին եմ յանձնում քրոջդ. քեզանից դուրս աշխարհի երեսին նա ուրիշ տէր ու պաշտպան չունի. խոստացիր, որդիս, որ նրան անտէր չես թողնի:

— Մայրիկ, հանդիստ կաց, քեզ մի վրդովիր, պատասխանեց Բօցարիսը, երգում եմ, որ քրոջս աչքիս լոյսի պէս կնայիմ:

— Ապրես, որդիս, իմ յոյսը դու ես: Այս որ ասաց, Բօցարիսի և Հեղինէի ձեռքերը առաւ իւր ձեռքի մէջ և մեղմ ձայնով սկսեց մի ազօթը մրմնջալ: Այդ ըուզէին դրսից դուռը բարձր ձեռքերին. կարծես ուզում էին դուռը ջարդել: Բօցարիսը շտապով տեղիցը վեր թռաւ, դնաց դուռը բացեց: Գուռը բացուելուն պէս ներս թափուեցին չորս հինգ հողի տաճիկ հարկահաններ, տան մէջ մեծ ազմուկ բարձրացին և հայնոյելով սղահանջեցին այն

նոր հարկերը, որ սուլթանը դրել էր իր տիրած երկիրների վրայ: Բօցարիսը ցոյց տալով իր մօր վրայ, աղաչում, պաղատում էր չ'վրդովել նրա կեանքի վերջին ըուզէները. բայց իզուր. նրա աղաչանքն ու պաղատանքը չ'կարողացան այդ անօրէնների մէջ մի կաթիլ գուլթ շարժել:

— Ախշայ, ախշայ, (փող, փող) կրկնում էին նրանք անդադար, թէ չէ տան մէջ ինչ կայ, չ'կայ, կ'ժողովենք, կ'տանենք:

— Մայրս երկար ժամանակ հիւանդ էր, ունեցած չունեցածներս նրա վրայ ենք ծախսել, ասում էր Բօցարիսը, աղաչում եմ, միայն մի երկու օր սպասէք, պարտքս կըհատուցանեմ:

— Շատ զահլայ մի տար, դեւովուր (անհաւատ), փող, ոսկի, թանկագին բան ունիս, տուր, թէ չէ, ինչ ես երկար գլխիցդ դուրս տալի... Տաճիկներն էլ երկար չ'նայեցին. ինչ որ տան մէջը կար, կողոպտեցին. վերջը սկսեցին հոգեվարքի մէջ եղած հիւանդի տակից անկողինը դուրս քաշել... Էլ Բօցարիսի սիրտը չ'դիմացաւ, յուսահատուած ու կատաղած յարձակուեց անօրէնների վրայ: Տաճիկների վայրենութիւնը կրկնապատկուեց. նրանք առ այժմ

Թողած իրանց կողոպուտը, բոլորը միասին յարձակուեցին խեղճ պատանու վրայ և թշուառ մայրը վերջին անգամ տեսաւ իւր որդուն կիսակենդան տաճիկների ոտի տակ: Հիւանդ մօր սիրտը չ'դիմացաւ այս տեսարանին. վերջին անգամ մի յուսահատ շարժում արեց, ճշաց և տեղն ու տեղը հոգին աւանդեց:

Այսպէս մի մայր էլ ազատուեց իր դառնութիւններով և վշտերով լի կեանքից և տաճիկները չ'մոռացան նրա կեանքի վերջին բուպէներն անգամ թունաւորել և դուրջ նրա մահը մի քանի ժամով արագացրին:

Տաճիկները թողեցին պատանուն, շարունակեցին իրանց կողոպուտը. ինչ կար չ'կար, բոլորը ժողովեցին դուրս գնացին, թողեցին միայն տախտը, որի վրայ ընկած էր մեռած մօր գիակը, իր կիսակենդան որդուն և սարսափահար աղջկանը:

Տաճիկների հեռանալուց մի քիչ յետոյ պատանին ու նրա քոյրը ուշքի եկան, հեկեկալով ընկան իրանց մօր անշնչացած գիակի վրայ և երկար ժամանակ այդպէս մնացել էին: Տիրութիւնն ու յուսահատութիւնը նրանց ամեն բան մոռացրել էր: Առաջինը Բօցարիսը ուշքի եկաւ, վեր կանգնեց. նայեց չորս կողմը,

աչքին ընկաւ իրանց կողոպուտած տան չորս մերկ պատերը: Յիշեց քիչ առաջ տաճիկների արած բարբարոսութիւնը, նայեց իր կապտած մօրը, որի երեսին կարծես գեռ երևում էր այն սարսափը, որ ազդել էին նրա վրայ տաճիկները հոգևարքի մէջ: Մի ակնթարթում Բօցարիսի յուսահատ վիշտը փոխուեց անասելի կատաղութեան: Նրա սիրտը լցուեց կատաղի ատելութեամբ դէպի տաճիկները և աչքերը փայլեցին վրէժխնդրութեան հօգով: Գարձեալ նա մօտեցաւ իր անկենդան մօրը, բայց այս անգամ ոչ թէ խեղճ-խեղճ լաց լինելու և արտասուք թափելու, այլ իր սիրած և պաշտած գիակի վրայ երգուելու, որ ինքը այսուհետև պիտի ապրի միայն վրէժխնդրութեան համար, որ իր կեանքը պիտի զոհի իր հայրենիքի և դժբախտ ու հալածուած ազգի համար: «Նուր մեր գեղեցիկ հայրենիքը ստնակոխ արեցիք և մեր ազգը գերեցիք, բարձրաձայն աղաղակում էր Բօցարիսը. տուն, ընտանիք, եղբայր, ամեն տեղ մտար, ապականեցիք. երգում եմ առաջի Աստուծոյ, երգում եմ և մօրս անունովը, որին դուք վշտամահ արեցիք, քանի կենդանի եմ, ես ձեզնից իմ վրէժս կ'առնեմ...»:

II.

Այս դէպքից յետոյ անցաւ մի տարի: Թոմասը մօրը տուած խօսքը ճշտիւ կատարեց: Որքան կարողանում էր, խնամք էր տանում Հեղինէի վրայ: Թոմասի միակ հոգսը Հեղինէն էր, որովհետեւ ինքը նրա համար համ եղբայր էր, համ հայր, համ մայր, Հեղինէն ոչնչով յետ չէր մնում իր եղբօրից: Նրանք երկուսը միմեանց այնքան էին սիրում, որքան քոյր և եղբայր կարող են միմեանց սիրել: Բօցարիսը ձկնորս էր. ամեն օր ձուկ էր որսում, տանում էր շուկայում ծախում: Երեկոյեան մօտ, երբ որ օրուայ աշխատանքից դադրած տուն էր վերադառնում, առնում էր հետը Հեղինէին և երկուսով դնում էին ծովի ափը խտակ օդ շնչելու: Ծառի դովարար ստուերի տակ նստած Թոմասը ուրախ-ուրախ նայում էր քրոջ երեսին և աշխատում էր նրա ամեն մի միտքը և խորհուրդը իմանալ և նորան մխիթարել: Բայց միշտ Բօցարիսի սիրտը հանգիստ և ուրախ չէր լինում: Յաճախ պատահում էր, որ նրա դէմքը մռայլում էր և աչքերը կրակի պէս փայլատակում էին: Այդ բոլորներում նա

յիշում էր իր երգումը, յիշում էր տաճիկների յափշտակութիւնները, աւազակութիւնները և բռնութիւնները, որոնք արդէն ամեն չափ ու սահման անց էին կացել: Նա տեսնում էր, քանի իրենք լուռ են մնում, քանի ձայն չեն հանում, այնքան տաճիկների լուծը օրէցօր ծանրանում, անտանելի է դառնում: Իրենց կանանց և սղջկերանց անպատուում են, ունեցածները ձեռքներից լսում և իրանց սոված ու անապաստան են թողնում. իրանց հաւատն ու եկեղեցին պղծում են, և այս բոլորը իրանք աչքները բաց տեսնում են ու տանում, յոյսը դնելով սրա նրա վրայ, որ մի օր կ'գան, իրանց կ'ազատեն...

Հեղինէն աչքերից ու երեսից տեսնում էր եղբօր սրտի մէջ կատարուածը և աշխատում էր նրան հանգստացնել:

Այդպիսի բոլորներում Բօցարիսը ձեռքը կսկորդին էր դնում և իր մունջ քրօջը այդ նշանով հասկացնում, որ համբերութիւնը մինչևի կոկորդն է հասել, որ մեռները հազար անգամ լու է այդպիսի կեանքից...

III.

Բօցարիսը շարունակում էր իր պարագ-
մունքը և քոյր ու եղբայր մի կերպ ապրում
էին և օրընները անց կացնում:

Մի օր շուկայում Բօցարիսը սովորակա-
նից աւելի տխուր էր. մի նախադգացում կար-
ծես նրան անհանգստացնում ու վախեցնում
էր: Նա իր ձկները թանգ-էթան մի կերպ
չուտով ծախեց և շտապում էր տուն գնալ:
Հեղինէն սովորութիւն ունէր՝ ամեն օր եղբօր
վերադարձին դիմաւորում էր նրան տան դռան
առաջ, բայց այսօր նա չհրկաց: Բօցարիսի
սիրտը սկսեց արագ-արագ խփել. նա քայլերն
արագացրեց և շտապով ներս մտաւ. տան դու-
ռը բաց էր, բայց ներսը ոչ ոք չ'կար: Թո-
մասը այս ու այն կողմը գնաց, ամեն անկիւն
նայեց, ձայն տուեց, ազդակեց, քոյրը չ'կայ
ու չ'կայ: Յանկարծ Թոմասի աչքովն ընկաւ
մի չալմայ¹⁾, որ ընկած էր գետնին, տան
դռան մի կողմը: Թոմասը զժուածի պէս դուրս
եկաւ փողոց, հարեաններից հարցրեց և իմա-

¹⁾ Տաճիկների գլխի փամետ:

ցաւ, որ դադիխ¹⁾ ծառաները իրան քրոջը գո-
ւով վախցրել տարել են նրա հարեմը:

Այս լուրը որ իմացաւ, Թոմասը լաց չ'ե-
լաւ, գլուխը չ'թակեց, ինչպէս սովորաբար
անում են վախկոտ ու թուլասիրտ մարդիկ,
այլ մի բազէ լուեց և տեղն ու տեղը քարացածի
պէս մնաց. կարծես մի տեսակ աղշութիւն
եկաւ նորա վրայ. յետոյ բոլորովին հանգարտ,
բայց բարձր ձայնով ասաց իրեն շրջապատող
մարդկանց, որոնք աշխատում էին նրան մխի-
թարել. «Տաճիկները մեղաւոր չեն, որ մեր
կանանց ու քոյրերին յափշտակում են, ունե-
ցածներս ձեռքներիցս խլում. մեղաւորը մենք
ենք, մենք, որ այդ բոլորը տեսնում ու տա-
նում ենք. մինչևի մենք էչ չ'լինենք, մեզ չեն
բառնայ: Ինչի համար էր ապրում, ողորմելիք,
ասում էր դառնութեամբ Թոմասը իրեն մօտ
ժողոված բազմութեանը, որ դուք դատէր,
տաճիկն ուտի, որ դուք սաղ օրը շարչարուէր,
տաճիկը քէֆ անի, որ բեռնակիր անասունի
պէս տաճիկն ծառայէր, նրա ծառան, նրա
ճորտը լինէր...»:

— Խեղճ սպէն ցնդել է, դարդիցը խելըը

¹⁾ Ղաղին մահմեդականների հոգեօր դատաւորն է:

կորցրել է, ասում էին մի քանի ծերացած մարդիկ, որ մի քիչ հեռուում կանգնած լսում էին Բօցարիսին:

— Աէ, ցնդած չի, բայց դեռ ջահիլ է, արիւնը տաք է. դրա ջուրը դեռ դար ի վեր է դնում, գլուխները տմրտմբացնելով պատասխանում էին մի երկու ծերեր:

— Եղբայրք, սա վտանգաւոր մարդ է, շուտով հեռանանք, թէ չէ տաճիկները որ իմանան, մեր տունը կը քանդեն, մեզ տնով տեղով կը կորցնեն, քչփչում էին Քոմասին շրջապատողներէց մի քանիսը:

— Իրուստ էր ասում, հաստատում էին ուրիշները, գնանք, գլուխը փորը, թող իրան նմաններին գանի ու ինչ ուզում է, անի, մենք դրա հետ գործ չ'ունենք:

Այսպէս կամաց-կամաց բոլորը թողեցին, Քոմասից հեռացան. մնացին միայն Քոմասի ընկերներից մի քանի ջահիլ տղերք. դրանք էլ քաշուեցին մի մի անկիւն և երկար ժամանակ միմեանց մէջ խօսում էին: Քոմասի ընկերների թիւը օրէցօր շատանում էր: Այս անցքից յետոյ էլ անցաւ բաւական ժամանակ: Տաճիկները իրանց արածը շարունակում էին և դժգոհների թիւը օրէցօր աւելանում էր. դրժ-

գոհների թիւի հետ աւելանում էր և Քոմասի ընկերների թիւը:

Այժմ Քոմասը սովորաբար ուրախ և գուարթ էր լինում, կարծես սկի նրա քրոջը չէին փախցրել: Ընդհակառակը տաճիկների նոր-նոր գազանութիւնները Քոմասին և նրա ընկերներին աւելի ուրախացնում էին. իրանց թիւը քանի գնում շատանում էր...

IV.

Մեծահանդէս տօն էր. յունաց փոքրիկ քաղաքի փողոցներն ու հրապարակները խուռն ամբոխով լեքն էին: Այդ օրը մերձակայ գիւղերից էլ շատ գիւղացի երիտասարդներ եկել էին քաղաք: Բօցարիսի ընկերները խումբ-խումբ գրօսնում էին քաղաքի փողոցներում: Երևում էր, որ մի բան նրանց անհանգստացնում է, մի բանի նրանք անհամբեր սպասում են: Երիտասարդների մի խումբ էլ, որի մէջն էր Բօցարիսը, շրջում էր այն փողոցում, ուր գտնուում էր դադիի տունը: Յանկարծ լսուեց. «ճանապարհ, ճանապարհ, հեռու գնացէք ճամբի մէջտեղից». եկողը դադին էր, ձի հեծած,

որոնց հետ միացել էին և ժողովրդից շատերը, իսկ տաճիկները երկիրդից ցիր ու ցան եղած, կամ փախչում էին, կամ տներում փակուած պաշտպանում էին, և կամ այստեղ այնտեղ առանձին կուում: Տաճիկների այդ թոյլ դիմադրութիւնը երկար չտևեց. տների մէջ փակուածներին կրակ տուին և այրեցին, կամ ծխով խեղդեցին, իսկ միւսներին բոլորովին կոտորեցին: Ի հարկէ քիչ մարդ չ'կոտորուեց և բրիտանեաներից:

Ամբոխը, քաջալերուած այս յաղթութիւնով, յարձակուեց դադիի և միւս տաճիկ մեծամեծների տների վրայ, քանդեց, հիմնայատակ արեց, նրանց բոլոր հարստութիւնը կողոպտեց, Հեղինէին էլ ազատեց ու յանձնեց եղբօրը: Պէտք էր տեսնել Հեղինէի ուրախութիւնը, երբ իրան ազատուած զգաց այդ հարէմ կոչուած դժոխքից: Տաճիկ դադիից անպատուած ու անարգուած, խեղճը կիսամեռ տուն դարձաւ: Բայց միայն Հեղինէն չէր այդ վիճակի մէջ. ուրիշ շատ աղջկերք, Հեղինէից առաջ և յետոյ, նոյն օրին էին արժանացել. այսօր բոլորն էլ ազատուեցին իրանց անպատիւ գրութիւնից: Շատ անմխիթար հայրեր, մայրեր և եղբայրներ վերջապէս արժանացան իրանց

անպատուած աղջիկներին ու քոյրերին տեսնելու...

Քաղաքում պատահած տաճիկների կոտորածը կայծակի արագութեամբ տարածուեց ամբողջ կղզու մէջ: Բոլոր գիւղերն էլ սկսեցին հետևել քաղաքի օրինակին: Ամեն տեղ տաճիկներին քշեցին. նրանք իրանց կայքը, տունը, տնիւր թողած նաւերով ու նաւակներով մի կերպ կղզուցը փախան ու իրանց գլուխը պրծացրին: Շատ անգամ փախչողների քամակիցը հասնում էին և բոլորին թափում ծովը խեղդում: Այսպէս կռիւն ու կոտորածը տևեց մօտ մէկ շաբաթ, մինչև որ տաճիկների հօտը կղզուցը համարեա կտրուեց: Միայն այն տաճիկները մնացին, որոնք սկզբից կամովին անձնատուր եղան և ընդունեցին քրիստոնեաների իշխանութիւնը, նրանց բրիտանեաները ձեռք չ'տուին:

∇.

Տաճիկների իշխանութիւնը բնաջինջ կգաւ. յոյները իրանք դարձան իրանց երկրին տէր ու իշխան: Ում տունն էին խել, անտուն

թողել, տան տէր դարձաւ. ում հողից էին զրկել, այգին կամ պարտէզը ձեռքից խլել, իրան կալուածքը յետ ստացաւ: Շատ մարդիկ, որոնք իրանց պատիւը կամ կայքը պաշտպանելու համար խոր ու մութ բանտերում տանջուում էին, այժմ ազատուեցան ու լոյս աշխարհ տեսան: Բոլորի ուրախութեանը չափ ու սահման չ'կար. վերջապէս կարողացան մի ազատ շունչ բաշել:

Սյգ ժամանակ Բօցարիսն ու իր խումբը անգործ չէին: Նրանք շատ լաւ գիտէին, որ շուտ-ուշ տաճիկները նոր ուժով կ'զան և կ'աշխատեն կողին նորից տիրել, և եթէ տիրեցին, այն ժամանակ վայ իրանց: Բօցարիսը իր ընկերների ու ժողովրդի համաձայնութեամբ ընտրուեց ժամանակաւոր կառավարիչ: Նրան անսահման իրաւունք տուեցին ամեն բան իր ուզածի պէս կարգադրելու: Ամենքը հաւատում էին նրա խելքին, ազնւութեանը ու քաջութեանը: Սյսպէս 16 տարեկան Բօցարիսը դարձաւ եեկրի կառավարիչ. լիազօր իրաւունքներով:

Բօցարիսի առաջին գործն եղաւ իրան հին ընկերներից կանոնաւոր դօրք կազմել և նրանց թիւը քանի կարելի է շատացնել: Բօ-

ցարիսը դրանով էլ չ'բաւականացաւ. գէնրիք պատրաստել տուեց, բաժանեց բոլոր ժողովրդին գէնք գործ ամել սովորեցնեն:

Տաճիկներն էլ պարապ չէին. հեշտ բան չէր նրանց համար այդպիսի գեղեցիկ և հարուստ հրկիր կորցնել: Նրանք պատերազմական մեծ մեծ նաւեր պատրաստեցին, բազմաթիւ զօրքով յցրին, որ գնան կողին նորից տիրեն և ապստամբներին շարաշար պատժեն:

Երբ որ թշնամու նաւատորմը մօտեցաւ կղզուն և տաճիկները ցամաք դուրս եկան, յոյները առաջուայ պէս անպաշտպան չէին. նորակազմ զօրքը Բօցարիսի առաջնորդութեամբ տաճիկների գէմն ելաւ իրանց հօյրենիքն ու ազատութիւնը պաշտպանելու: Նրանք բոլորը առաջինից մինչև վերջինը վրձուել էին մեռնել իրանց հայրենիքը պաշտպանելու համար: Քրիստոնեաների այդ հաստատ վճռողականութիւնը արգէն տաճիկների ականջն էր հասել և նրանց սրտի մէջ հրկիւզ էր ձգել: Նրանք սովորել էին դալ յոյներին ոչխարների պէս մորժել և սկի չէին սպասում այդպիսի բան: Մի քանի փոքրիկ ընդհարումներ արգէն պատահել էին տաճիկնե-

րի և յոյների մէջ և տաճիկները այնպիսի կատաղի դիմադրութիւն տեսան, առաջ երազում էլ չէին տեսել. այդ բանը տաճիկների սրտի մէջ աւելի ահ գցեց, իսկ յոյներին քոզկորեց: Բօցարիսը չ'ընդունեց, որ իր զօրքի ոգևորութիւնը անցնի. նշան տուեց առաջ գնալ և յարձակումը սկսել. առաջին օրինակը ինքը տուեց: Տաճիկները առաջին անգամն էին տեսնում այդպիսի համարձակութիւն, որ քրիստոնեաները առաջինն են իրանց վրայ յարձակում: Քրիստոնեաների յարձակումը այնպէս միաբան և ուժգին էր, որ տաճիկները սկսեցին յետ-յետ գնալ. այդ նկատեցին յոյները և իրանց յարձակումը սաստկացրին. արդէն բոլորը խառնուել էին միմեանց: Տաճիկները սկսեցին փախչել և ոչ մէկին կենդանի չէին թողնում, ումը համնում էին, անխնայ սպանում էին: Տաճիկներից բչերը կարողացան իրանց գլուխն ազատել և նաև նստել փախչել:

VI.

Երբ որ Սուլթանը լսեց իր զօրքի պարտութիւնը քրիստոնեաներից, շատ վայրացաւ: Նա հաստատ վճռեց աւելի մեծ զօրք ուղարկել այդ կղզին, որ գնան ապստամբ յոյներին տիրեն և նրանց, մեծից մինչևի փոքրը, սրի բերանը բաշեն: Մինչդեռ Սուլթանը պատրաստութեան վրայ էր, լուր հասաւ նրան, որ մի ուրիշ աւելի վայրենի ազգ, թաթարները, իրանց Լանկ-Քամուր թագաւորի առաջնորդութեամբ մտել են Սուլթանի երկիրները և որտեղից անցնում են, անապատ են դարձնում: Այս անցքը պատահեց մեզանից մօտ 500 տարի առաջ, երբ տաճիկներին իշխում էր Բայազէտ Սուլթանը: Բայազէտի կռիւը Լանկ-Քամուրի հետ անյաջող անցաւ. նա յաղթուեց. բոլոր զօրքը կորցրեց և ինքն էլ գերե բռնուեց: Լանկ-Քամուրը նրան երկաթէ վանդակի մէջ դրած, ուր գնում էր, հետը ման էր ածում: Այս պարտութիւնը տաճիկներին այնքան թուլացրեց, որ նրանք երկար ժամանակ կղզին տիրելու յոյրը բոլորովին կտրել էին: Այսպէս շատ տարիներ անցան և յոյները այն-

քան արդէն ամրացել էին, որ աչ մի թշնամուց էլ չէին վախենում: Այդ բոլոր ժամանակը Բօցարիսն էր կողու կառավարիչը, նա վաղուց արդէն իր պատանեկական հասակից մտել էր այրականը: Բօցարիսի բնաւորութիւնը ինչպէս էր, այնպէս մնաց՝ միշտ բարի և մարդասէր, բայց իր գործերի մէջ հաստատ ու անսասան և տեղն եկած ժամանակ միշտ պատրաստ իրան զոհելու իր սրտի և հայրենիքի համար:

Այդ փորրիկ կողու աճելն ու զօրանալը տաճիկ սուլթանների աչքին փուշ էր դարձել, բայց ինչ անէին: Տաճիկները արդէն փորձով տեսան, որ քրիստոնեաները իրանց ազատութիւնը պաշտպանելու համար պատրաստ են մեծից մինչևի փոքրը գլխները վեր դնել: Ուժով տիրելը այլևս շատ դժուար էր. դրա համար ևս շատ զօրք էր հարկաւոր: Բայց ինչ որ չի կարելի զէնքով և ուժով անել, հեշտութեամբ կարելի է մատնութեամբ գլուխ բերել: Զարմանալի բան չի, որ Բօցարիսի պէս մարդիկ իրանց նախանձողներն ու թշնամիներն ունենան:

— Երէկուայ լակոտը գայ մեր գլխին իշխանութիւն անի, ասում էին շատ սիպտակա-

մօրուս իշխաններ. նրա հայրն ու մայրը մեր աչքի առաջ սոված զկռտում էին, հմի տղէն մեծ-թաշախուստներ է ծախում:

— Մենք նրանից պակաս մարդ ենք, ինչո՞ւ ամեն բանում նա պիտի լինի առաջինը, այսպէս էին ասում ուրիշները:

— Զէ, չէ, ինքը հերիք չի, իրան նմաններին գտել գլխին է ժողովել. հէնց իմանաս իրանք են, որ կան, տշխարհում էլ ուրիշ մարդ չ'կայ . . . գանգատվում էին միւսները:

Պակաս թշնամի չէին Բօցարիսին և տէրտէրները, որոնք տեղի-անտեղի սովորութիւն ունէին ամեն գործի մէջ խառնուել, որ Բօցարիսը խստիւ արգելում էր:

— Աստուածային պատուհասներից չարագոյնը այն է, երբ անչափահաս մանկտիք են երկրի կառավարիչները. մեր պատուելի իշխանք անարգուած են, Աստուածայի՛ն սուրմութիւնը մեզանից վերացել է, սրովհետեւ ասուած է, «ի ժողովել երիտասարդաց կաքաւին գեր»: Այսպէս էին յայտնում իրանց դժգոհութիւնը տէրաւորները:

ΛΙΙ.

Տաճիկներին այս բոլորը յայտնի էր. նրանք շատ լաւ գիտէին, ովքեր են Բօցարիսի թշնամիները: Սուլթանը Բօցարիսի թշնամիներից ամեն մէկին առանձին և ծածուկ իմաց տուեց, որ եթէ մի կերպ Բօցարիսին մէջտեղից վերացնի, իրան կղզու վրայ կառավարիչ կը կարգի և շատ պարգևներ կըտայ: Բօցարիսի թըշնամիներից ամեն մէկը երազում էր, որ եթէ նրան սպանի, ինքը նրա տեղը Սուլթանից կղզու վրայ կառավարիչ կըկարգուի: Քահանաների մասն էլ այս գործի մէջ խառն էր. նրանք կրակի վրայ իւր էին ածում: Բօցարիսի թշնամիներից իւրաքանչիւրը առանձին մի հնար էր մտածում նրան սպանլու: Ակնյայտնի սպանել առաջինը շատ դժուար էր, երկրորդը՝ վախենում էին. մնում էր գաղանի սպանել կամ թունաւորել. վերջին միջոցը աւելի հեշտ էր:

Մի օր Բօցարիսը տանը չեղած ժամանակ, յոյն իշխաններից մէկը իր այգու լաւ գինիներից մի գաւ ուղարկում է Բօցարիսին նուէր: Քոյրը, խեղճ, միամիտ աղջիկ, լինչ է

է իմանում որ դրա մէջը մի սատանայութիւն կայ, գինին ընդունում է, ուղարկողին շնորհակալութիւն է յայտնում և բերողին էլ փող է ընծայում:

Ճաշին քոյր և եղբայր, երկուսն այդ գինուց խմում են և շատ զովում: Իսկապէս այդ գինին շատ գլուխ գինի էր:

Ճաշից վեր կացան թէ չէ, երկուսի սիրտն էլ սկսեց խառնել, գլուխը պտուտ գալ և աչքները սևանալ: Երկուսն էլ միամիտ, չ'գիտէին ինչին վերագրեն իրանց յանկարծակի հիւանդութիւնը: Յանկարծ Բօցարիսը գլխի ընկաւ, որ գինին կարող էր թունաւորուած լինել: Ուզում էր շուտով տանիցը դուրս գալ, օգնութիւն կանչել, բայց արդէն ուշ էր. էլ չկարողացաւ ոտքի վրայ կանգնել, գնտակահարի պէս գետնի վրայ փռուեց: Քոյրը նոյնպէս վաղուց թուլացել, ընկել էր: Նրանց աչքերը շուռեցին, բերանները փրփրակալեց և երեսը սկսեց ծումուռել: Բայց շատ երկար չ'տեսց խեղճերի տանջանքը. երկուսն էլ շուտով մեռան. թոյնը շատ զօրեղ էր. թշնամին յաղթանակը տարաւ:

VIII.

Բօցարխի յանկարծակի մահը ժողովրդի մէջ մեծ իրարանցում գցեց: Բոլորը ապշած և շուարած միմեանց հարցնում էին՝ ինչպէս մեռաւ, ինչ անեն, ո՞նց անեն: Ամենքի սրախ մէջ կասկած ընկաւ, որ Բօցարխը թունաւորուած կըլինի: Բոլորը գգում էին, սրա վերջը շատ վատ կըլինի, բայց ինչ անելիքները չ'զիտէին: Մի վատ ճիշտոյ նախագագացում բոլորի սիրտը պաշարել էր: Ամենքը միմեանցից կասկածում, վախենում էին և ամեն մարդ միայն իրա գլխի վերայ էր մտածում, թէ ինչպէս որ մի փորձանքի մէջ չընկնի: Քահանաները աշխատում էին ժողովրդին հանգստացնել և ամեն տեղ քարոզել «ինչ որ Նախախնամութիւնը տնօրինել է, այն պէտք է կատարուի: ամեն շար խորհուրդ ձեր սրտիցը հեռացրէք: Նախախնամութեան կամքին չ'պէտք է հակառակել. այժմ փորձիչը մտել է ձեր սրտերի մէջ. նրա շար խորհուրդերին մի լսէք, հալածեցէք նրան ձեր սրտից, գնա դժոխքի յաւատենական կրակի մէջ տանջուի, և այն և այն».....

Բօցարխի և նրա քրոջ յուզարկաւորութիւնը մեծ հանդէսով կատարուեց: Բոլոր քահանաները զգեստաւորուած, իշխանները, բոլոր ժողովուրդը ներկայ էին և մեծ պատուով տարան թաղեցին:

Բօցարխի մահուց յետոյ ամեն իշխան ինքը ցանկացաւ նրա տեղը բռնել: Յանկարծ մի օրուայ մէջ հինգ-վեց կառավարիչներ դուրս եկան. դրանցից ամեն մէկը իր կողմնակից մարդիկն ունէր և միւսներին չէր ուզում ճանաչել: Բանն այնտեղ հասաւ, որ այդ ինքնակոչ կառավարիչներից ամեն մէկը միւսների գէմ կախ սկսեց, որ բոլորովին կոտորի, միայն ինքը մնայ: Ժողովուրդը, զօրքը բաժան բաժան եղած միմեանց գէմ կուռւմ էին, յոյնը յոյնի գէմ էր դուրս եկել և միմեանց կոտորում էին: Այս խառնակութիւնների լուրը արդէն վաղուց հասել էր տաճիկներին, նրանց ուզածն էլ հէնց այդ էր: Տաճիկները ժամանակ չ'կորցրին և շուտով մեծ բազմութեամբ արշաւեցին կղզու վրայ: Նրանք այլևս չ'հանդիպեցին այն միաբան և միահոգի դիմադրութեանը, որով քրիստոնեաները ստրսափ էին ազգում տաճիկներին: Հեշտ ու հանգիստ, առանց դիմադրութեան տաճիկները կղզուն նորից տիրեցին:

և սրով ու կրակով կզոյ մի ծայրից մինչև
միւսն անցան: Գժուար է նկարագրել տաճիկ-
ների գործած անգթութիւնները. նրանք ի-
րանց երկար տարիների վրէժը լիովին հանե-
ցին և էլի չ'կշտացան: Ամեն տեղ տարածուեց
կրակ, աւեր և կողոպուտ: Շատ բազմամարդ
և շէն գիւղեր հիմնայատակ կործանուեցին և
մոխիր դարձան: Հրդեհած քաղաքների բոցն
ու մուխը, կանանց լացն ու աղաղակը, երե-
խաների ճիչը մինչևի երկինք էին բարձրա-
նում, կարծես Աստու ողորմութիւնը լսողրե-
լու, բայց Աստուած անմիաբաններից ու մատ-
նիչներից երեսը միշտ դարձնում է...



Բագրի Հայոց
 Հոկտեմբերի Դարոց
 ԿԿԿ-ժամկ. (ՅԻՐԱԿԱՆ)

Լոյս եւ ստեղծ

Վամպիրների Ձոհը, Յով. Ստեփանեանի	. 5 կ.
Ենպոչ Հորթը, Թարգ.	. 2 կ.
Եսածուն Թէ մամոնային	. 3 կ.
Մաքիը	. 5 կ.



Գրվել է Թիպոգրաֆիա „Արօր“,
Օբակիմու Տեպանյանի.